

## Vinnusóttkví fyrir heilbrigðisstofnanir vegna COVID-19

Heilbrigðisstofnanir teljast til samfélagslega ómissandi innviða þar sem starfsemi má ekki stöðvast. Ef rekstraröryggi starfseininga er ógnað má sækja um fyrir **fullbólusetta** starfsmenn sem eru í sóttkví í samfélaginu að koma til vinnu (vinnusóttkví/sóttkví B). Þetta er ekki undanþága frá sóttkví heldur er sóttkvíarstaður útvíkkaður til vinnustaðar.

Athugið að **ekki** er gefin undanþága á einangrun eða sambærilegt fyrirkomulag heimilað fyrir þá sem eru í einangrun (sýktir). Þá er heimild til vinnusóttkvíar ekki veitt til óbólusettra.

Með fullbólusetnum einstakling er átt við það sem einnig er kallað grunnbólusetning þ.e. lágmark tvær sprautur eða ein sprauta af Janssen bóluefni.

Ef starfsmaður sem fær tilkynningu um að hann sé kominn í sóttkví í samfélaginu er í vinnunni þarf hann að skipta strax um grímu, hreinsa hendur og setja upp fínagnagrímu án ventsils (FFP2). Hann má ljúka vaktinni sinni ef hann er einkennalaus en skal án tafar tilkynna sóttkvína til yfirmanns sem tekur ákvörðun um framhaldið.

Hlekkur á gæðahandbók Landspítala um sóttkví B sem hægt er nota til viðmiðunar fyrir vinnusóttkví:

<https://traveler.lsh.is/focal/gaedahandbaekur/gnhskurda.nsf/5e27f2e5a88c898e00256500003c98c2/029b89cf8f17c9f1002585cb00461d37?OpenDocument>

Starfsmaður í vinnusóttkví fylgir [leiðbeiningum sóttvarnalæknis um heimasóttkví](#) utan vinnustaðar.

Hægt er að nota hraðpróf á meðan á sóttkví stendur í stað PCR prófa á þeim stöðum sem ekki er auðvelt aðgengi að PCR prófum **nema** til að aflétta sóttkví í samfélaginu eftir 5 daga þá þarf að fara í PCR próf og nota það strikamerki sem viðkomandi fær sent.

Á vef embættis landlæknis undir [Atvinnulíf](#) eru eyðublöð (vinstra megin á síðu) til notkunar fyrir vinnusóttkví. Þið getið aðlaga að ykkar aðstæðum ef þarf. Lágmarksupplýsingar:

- Nafn starfsmanns
- Kennitala starfsmanns
- Hvort starfsmaður er fullbólusettur
- Starfsheiti
- Starfsstöð
- Dagsetning útsetningar
- Heimilisfang gististaðar og vinnustaðar

Í umsóknareyðublaði eru töflur til að skrá starfsmenn og eins er gátlisti gagnlegur til að tryggja að aðstæður séu viðunandi bæði á gististað (heimili) og vinnustað:

### Eyðublöð

- [Umsókn um vinnusóttkví](#) [🔗](#) (4.1.2022)
- [Gátlisti - Fylgiskjal með umsókn um vinnusóttkví](#) [🔗](#) (4.1.2022)
- [Request for modified quarantine](#) [🔗](#) (30.08.2021)
- [Infection control during workplace quarantine in Iceland \(PDF\)](#) [🔗](#)